

# Oz è igl De dalla scritgira da Braille



**SCHANER**

# Igl De dalla scritgira da Braille

Cura ast te anniversari? Sast te gio liger la data digl ties anniversari? En anniversari impurtant per fitg blers carstgangs tgi son betg liger cun igls îgls è igl anniversari da Louis Braille. El è naschia igls 4 da schaner 1809. Graztga ad el è chegl igl De dalla scritgira da Braille, la scritgira per persungas orvas. Louis Braille veva angal quatter onns, cura tgi el è sez davanto orv. Cun far tarmagls u zamberger cun en gaffen aint igl luvratori da seler da sies bab, è el sglischia or e sa furo ainten en îgl. Chel îgl è s'inflammo, pac pi tard er l'oter, ed el è davanto orv. Cura tgi Louis Braille ò pudia eir alla scola per persungas orvas a Paris, è el betg sto cuntaint cun la scritgira tg'el

veva dad amprender lò e perche gl ò el invento sez ena scritgira. El ò sviluppo anavant ena scritgira cun dodesch puncts tg'ins duvrava ainten l'armada franzosa. Durant las vacanzas da stad, aint igl luvratori da sies bab, ò el invento ena scritgira cun seis puncts per palpar. Tot tenor scu tg'igls puncts èn ordinos signifitgeschan els differents bustabs u differentas cefras. Cun angal 15 onns ò Louis Braille invento chella scritgira tgi vign duvrada oz dad unfants e carschias orvs sen tot igl mond. Graztga ad el son er els liger – cun la detta anstagl cun igls îgls.


Canoschas te ena persunga tgi è orva?

Scu so ena persunga orva tgaminar sainza crudar?

Scu so ena persunga orva s'orientar?

Scu son persungas orvas liger?

Noua ast te gio via la scritgira da Braille?



# Tge bustab ègl?

Gi per scumanzar

Tot igls unfants tschaintan an en rentg e seran igls îgls. En unfant survign ena tgossa da palpar tgi sa catta ainten en satget da teila. El palpa la tgossa sainza commentar e dat anavant igl satget agl proxim unfant. Siva mintga ronda ston igls unfants angivinar tge tgossa tg'els on palpo.

P. ex.: socca, crap, sgartadoira, quadrel, balla da tennis, squitta, codesch, etui, euv.



Mintga unfant survign ena scatla dad ovs, seis ballas da pingpong ed en figl cun igl alfabet da Braille.




- 1 Mintga unfant furma eneda igl bustab A cun las ballas.
- 2 Ossa furma mintga unfant igl ampren bustab digl sies nom cun las ballas.

Ed oss an dus:


- 1 En unfant vo davent, l'oter unfant furma en bustab e covra el cun ena cuverta u en siaintamangs.
- 2 Igl sagond unfant palpa las ballas, sainza vurdar. Igl unfant dastga vurdar sen igl figl cun igl alfabet e deir da tge bustab tgi sa tracta. Ègl igl dretg?
- 3 Alloura meidan igls unfants las rollas.



# Igl alfabet da Braille




# Las cefras da Braille




1


2




3



4




5




6


7



8



9



0